

# 太康縣志

卷第十二

息縣 劉盼遂撰

縣志序略

順治張修太康縣志序

太康舊有志明萬歷己亥邑令雲中張爾基重修工未竣憂去永昌沈再思成之到今六十載鼎革而後滄海桑田萬事湮墮何有於志不佞受事見而太息焉古有野史惇史稗史皆使傳信矧陽夏爲文獻之區三史之不逮將久而愈失眞矣復重以賈大中丞命益惟惶悚念不佞夏蟲語水論世無識綜務罕才巔末之未諳其何志之能圖一時軍興絡繹臨旃慮慙寸管欲握手與心棘嗟乎典故靡傳興治無法憲迹榛莽後竟何賴幸于燐燹之餘搜獲舊志四卷不得已過康李兩學博委輯其事據郡志通志文獻通考爾雅史記參伍酌定焉述也非敢作也然因仍之中亦間有損益分八門而修列之體國經野肇茲方

## 太康縣志

卷十二 縣志序略

域星基羅置惟民所止圖經志第一奕然者都巍巍具瞻通政和人庶類攸暨建置志第二任土作貢尺籍是經惟正之供根本彌固田賦志第三國之大者祀事爲重以時歆饗神明用和秩祀志第四惟此下民必有司牧治之教之咸軌於理官師志第五貞元會合賢儁雲興濟濟踰踰維國之楨人物志第六典常之外事有當存以順人情以昭紀綱雜志第七人文宣朗蔚爲詞章彬彬郁郁其美洋洋藝文志第八凡此八志各列條目分著義類庶可以包羅一方之大都乎然尙有惑也志史事也史之爲事進退古今以明百王之道余未能也操褒貶法以行賞罰之權余未能也凡此皆有作焉安敢自信爲足傳乎且也舊志殘缺而多可議芟而除之能服往昔之心否乎學士大夫思一新之以垂典章果能當士大夫之心否乎余之惑滋甚集成質之邑中諸紳衿及黃髮老成人僉曰不有廢也孰有興也微君侯六十年之廢墜其疇能修舉哉因付劄劄氏以仰副大司馬賈大人之檄命順治己亥太康縣知縣張懷璧撰

康熙朴修太康縣志序

郡邑之有志也匪僅以備記載垂故典已也風俗之淳漓人事之得失山川景物禮樂文章之昭著由一日以迄千秋觀感而取法將在乎是甚不可苟也今聖天子在御統車書而揭休明亦既日月爲昭矣迺復簡班董於木天蒐遺亡於魯壁振興文獻彙譜維新下逮郡邑其疇不鼓舞奮興敬應休明乎余不敏甫蒞此土卽念夫邑之中形勝風氣存乎疆域也城池署祀存乎建置也於賦役則念哀哀者疇賜之食也於官師則念嗷嗷者疇貽之安也至若人物之芳踪變異雜記之思患預防藝文詞章之表揚規勸孰非巨典攸關乎藉不詳加搜集俾若列眉則後乎此者能無雲霾霧曠之嘆耶因延邑紳士而咨其事僉曰前令章公承大中丞閻公命纂修縣志未克成編適膺簡命去接署宛邱刺史王公亦加較閱奉憲取彙纂俟發下再加詳較乃堪付梓至乙亥夏月蒙大司馬顧公發下原本內經兩憲互有改削奉粘簽云駁雜浮泛今爲標明再嚴加訂正等因余遵奉展繹其中記載詳明者固十之五而亥豕相沿魚魯莫辨者亦所在多有至若人文輩出節烈粹起治功聿新五六載中未始無時事之

## 太康縣志

卷十一 縣志序略

一

改觀也迺廣加搜訪敦請邑士分門別類而日與參稽焉於其規模弘擴取裁簡當者既不欲掩前人之美俱依舊式至於咨詢之間有未確實與夫支蔓之累句疑訛之事跡則亦不忍稍引己嫌至成闕略乃爲之隨事增損逐章潤色雖不敢謂參伍錯綜亦惟遵盡心力而已今而後已驗之方施無不效庶後之蒞斯土居斯鄉者觀感取法一邑之風教人心將於是乎關也乃捐俸授梓題是語以記纂修之槩云康熙三十六年歲次丁丑孟冬月太康縣知縣燕山朴懷寶序

### 康熙修太康縣志序二

粵稽康邑亦太昊之墟也太昊發跡於此畫卦以啓鴻濛垂裳而綏海甸其被服聖人之聲教者獨爲親切非若他郡縣遙蒙化育可同日而語也迨唐虞受禪則隸豫州成湯都亳則附畿內周封舜後於陳爲陽夏其被服聖人之遺澤者又深且遠矣故其民至今農勤稼穡士尙弦歌質樸渾龐獨有上世之遺風焉顧諱邑乘自順治己亥前任賈大中丞檄修之後又三十餘載其間戶口之

生長土地之墾闢暨夫人物聿興災祥迭見缺漏莫攷者不知凡幾今上御極之二十九年中丞閻老大人纂修豫省全志檄下各州縣博訪新聞搜求故事彙集成書用垂不朽甚盛典也前任章令延請碩彥廣采輿情凡有關於世道利益民生事蹟悉爲較定增補續攷甫成而升擢山左之命遂下彥也不敏謬膺委攝案牘之暇乃取其稿一一檢閱志凡十卷分門別類咸遵頒式然其紀載務求實蹟不事浮華攷總都圖則星躔之分野疆域之限界無不犁然於胸臆也觀建置則城池之險固坊表之興替無不調然於心版也核田賦則地土之肥磽課額之盈絀無不井然於會計也覽秩宗則神事之修舉俎豆之陳設無不昭然於祀典也若夫治道汙隆教化淑慝則官師是賴賢豪輩出節義標奇則人物宜詳風雅有純疵傳紀有美刺是不可無藝文之紀歲序有災祥人事有變遷是不可無雜志之條凡此十卷雖不迨古史萬一而綱舉目張亦可少資採擇彥承乏宛邱奉檄頒行曾獻芻蕘今茲代庖復遣盛美不揣固陋謹綴數言簡端用附中丞閻大人千秋不刊之巨典若詞有未當事有闕疑端有

## 太康縣志

卷十一 縣志序略

三

賴於高明卓識椽筆裁定庶幾藏之官府與嵩嶽汴河俱久長云是爲序陳州知州署太康縣事三韓王清彥撰

乾隆武修太康縣志序

陽夏之爲邑始見於史漢秦以前雖屬陳地其事無聞舊志一修於明萬曆己亥一修於清順治己亥一修於康熙丁丑迄今六十餘年其間所當增入者甚多奈順治間所修旣多踵謬仍訛康熙間所修又復因陋就簡此志之所以不得不修之又苦於無所因也孔子因魯史作春秋魯史固傳信之書也史遷因世本作史記世本亦紀實之語也邑志雖不可以比之聖經與良史其不能無所因則一也今舊志旣不足因而府志又多因舊志惟自康熙丁丑以後職官選舉之名節孝之事則府志詳焉其餘則須遍檢史冊以補遺正誤廣詢耆老以發潛表微閱一載始粗有端緒迺釐爲八卷其事與人以類相從焉昌國自念下材末吏德不足以感人才不足以應務幸荷各上憲明訓黽勉供職免于罪戾而已但志中所列一切修舉之事似較多于前人者非自表暴也蓋事爲

一邑之事上有所承而非己之能也下有所共而非己之力也據事直書以俟後之君子考覆焉其亦可以無嫌矣屬稿既定將付剞劂爲序其巔末如此乾隆二十六年十月太康縣知縣武昌國撰

乾隆武修太康縣志序二

歲庚辰冬予奉命承乏糧廳明年春莅任採風問俗之餘披覽志乘吏治民生藉微得失太康古陽夏去汴二百里而遙其爲邑舊隸開封自雍正甲寅升陳州爲郡增置三縣太康屬焉地雖褊小而碩人偉士後先蔚起散見諸書者指不勝屈矣顧舊志修於康熙丁丑歲迄今垂六十餘年缺略既多舛訛不少邑令武君以爲邑乘未備長吏之羞也爰徵文攷獻而重新之釐成八卷書成問序於予予唯志者紀也所以紀其地與其人其事也封圻沿革陵谷升沈非志則其地無徵忠孝廉節政事文章非志則其人無徵學校祠祀田賦戶役非志則其事無徵志之修顧不重歟雖然世固有一行作吏日鞅掌於簿書奔馳於負弩應接無時催科孔迫形神疲憊而不自支否或地處偏隅志耽暇逸又素

太康縣志

卷十一 縣志附略

四

以彈棋命酒徵歌選舞自娛至問以一方之山川風土古跡名賢而茫無以應也修志云乎哉此固不足論坐使後之人思欲網羅散佚勒成一書而事遠年湮傳聞異辭罕所攷據抑亦傷矣昔朱子歷官所至亟亟以此典爲首詢武君此書備觀省昭激勸彰往詔來其所係爲何如也予故序志之所由重而修之不可以不時以望後之繼武君而令斯土者是爲序河南分守糧儲驛鹽道龍城歐陽永禱撰

乾隆武修太康縣志序三

周禮小史掌邦國之志外史掌四方之志今之郡邑得有志書實仿諸此其殆與國史相爲輔翼者也太康係古陽夏地屬陳隋改爲太康屬淮陽唐仍以之屬陳州其邑雖無名山而岡陵漫衍登降施靡其川浸則滌波環繞河流分出人物則有黃次公彭子佩諸人炳炳烺烺勳德赫奕又有袁彥伯耿用中諸人着書滿家揚光飛文或以忠義傳則有如張維世馮貞吉諸人懍懍皜皜不每其生或以隱逸傳則有如王士衡顧廷璠諸人蕭然物外淡泊無營若是者直

與嵩嶽洛水並傳宇內奚必托迹名勝人以地傳也哉邑舊有志國朝兩修之迄今六十餘年矣其所載率多因陋就簡難以稽攷况六十餘年來之官吏仕宦因革建置必待紀錄者可任其湮沒而不爲之彙集耶邑令武君以上舍生拔置太學壬申出宰中州越六載調劇康邑以志書爲一邑之典要亟起而編輯之事竣請序于余余固樂聞司土者有是修明之舉也校士之暇細爲披閱見其質直得體論贊咸宜考核原本三史搜羅旁及百家咏景諸什吐屬風雅列傳短篇諸無溢美且考其舊志人物元代以前爲世家明代以後爲名臣其制謬矣地邑民居入於建置其名紊矣他如明臣張修德疏陷邊帥誤列宦績將何以示信耶武君於此皆爲更張而釐定之嗚呼治民社者治簿總籌之餘但見竭蹶靡寧而已而武君殫終歲之勞勩披卷帙之紛紜志名宦思懋其績志人物思擅厥長志風俗則思教化志物產則思贍養慎重墨瀋心與筆俱是非循俗吏之爲而爲之余於志而益知武君之志也夫提督河南全省學政秦百里撰

## 太康縣志

卷十一 縣志詳略

五

乾隆武修太康縣志序四

志之垂猶史也一國之史不備則政治無徵一邑之志不全則文獻無考是以古先哲人重之太康古陽夏地於陳稱劇邑其幘幅袤廣人民繁庶賦邑殷煩俱較他邑爲最甚今上御極二十有二年武君自通許移宰斯邑甫下車即濬築河隄剏興書院修葺祠宇舉凡事之切於民生與壇廟之載在祀典者無不次第舉行事稍閑復念太邑之志肇自前明一輯於順治己亥再輯於康熙丁丑距今垂六十餘年人事闕如不加搜纂將湮滅而罔稽爰致有道能文之宿碩并邑紳士之博聞者考証舊文摭采近事類相比次煩者刪之缺者補之書成凡八卷呈政於余余反覆閱之不禁喟然曰嗟乎徵文考獻繼往惠來固良有司事也且夫志之名見于周官志之體垂由漢史厥後或承或闕不能盡例于一夫非以作之難故成之者鮮耶今天下省郡與邑胥莫不有志矣而要而計之夸門者務爲靡因就者陋於簡簡則挂一漏萬其失也略靡則矜才任智其失也誣夫昔人論史必擅三長謂一不備卽不足信信今傳後志固史之一

也蒼而萃之存乎才奔與取之視所學而博而能精簡而能賅則尤其識與力武君斯舉夫亦庶幾乎是乎然而其功詢足多矣且余守陳再期知之尤稔因樂得而爲之序陳州府知府祁陽陳輝祖撰

道光戴修太康縣志序

或問志之義與史同乎曰不同史則彰善癉惡據事直書而以褒貶寓賞罰之權志則表微闡幽善善從長而以取舍示勸懲之意體例各殊矣要其徵文考獻不略不誣比事屬辭有倫有要述既往以垂將來足稱爲傳信之書則固與史互相表裏者也鄭樵云作史莫難於志非具三長者誰能修之乃以弁鄙之識謏陋之才荒蕪之學如鳳翔者而欲信今傳後成一邑之完乘詎易易事哉顧念身膺民社視所益如傳舍於民生之利弊風俗之淳涼吏治之法監漠然不關喜感于其心讀古人書奚爲者康邑舊志自乾隆二十六年前令武君昌國纂修之迄今垂七十載矣其間建置遞更職官屢易田賦戶口之稽核文學政事之傳流月異歲不同後之人將何從而紀實耶又况十室之邑必有忠信

太康縣志

卷十一 縣志序略

六

我國家承平日久農服先疇士食舊德數十年來孝子順孫義夫節婦以及端人碩彥代著賢良其涵泳于聖天子之深仁厚澤必有與長山澗水共垂不朽者可聽其淹沒而弗彰哉鳳翔宰邑八年惴惴焉常恐修廢舉墜之有未逮丁亥奉文建立義學既與都人士共議舉行矣爰語及修志事詢謀僉同迺設局于興賢書院延舊尹高晴谷明經江澄園兩先生主其事翔亦時以所見往來商榷爰取前志之繁蕪者芟之失次者序之訛謬者考史冊以正之遺漏者搜舊聞以補之近今之淑德畸行足以磨世礪俗者採輯而表彰之事增於前文省於舊蓋作也而仍述也其於古人紀實之義庶有當乎書既成乃釐爲八卷以俟觀風者採擇焉若夫川原形勝之迹封域沿革之名人物出處之異昔人叙之詳矣茲不備書道光八年孟秋月知太康縣事戴鳳翔撰

道光戴修太康縣志序二

邑乘與國史相表裏山川封域田賦秩祀文苑循良忠孝節義具列其中前人述之備矣所難者主與賓擅著作才復肯悉心商榷務求斯書之盡美盡善而

已太康戴大令阿閣英年科第莅任八載實心實政鏘在口碑茲以一邑之典章文物不爲之信今而傳後勢必久而就湮也爰捐俸修志勸紳士贊成之任其事者前令晴谷高君明經澄園江君十閱月工蕨而索序於予予惟志乘之修定譌正謬酌古準今欲求善本戛戛其難方今聖天子久道化成幅幘廣闊無遠弗屆十八省郡廳州縣之志更僕難終矣顧其中有釀金鷲羸追比樂輸以供揮霍纂修則三家村老學究任意塗抹或抄襲舊文不問書之工拙者無論已抑或招致名流食焉不事其事而居停樸愿少文一聽其苟簡成帙又或東道科目出身矣理煩治劇無暇過問甚至公餘休沐自尋怡悅不以編輯關心者往往有之以此而欲志之完善恒不數數觀今晴谷名進士前宰斯邑繼又掌教興賢書院六年於風土人情知之最稔澄園則西江老斲輪也兩君子心花意藥墨妙筆精其載言非時下所能望其肩背者戴大令具史才又精力彌滿讞獄恒徹夜不寐時時親至相爲辨難自長篇累牘以及片語隻字必酌斟妥善而後去今觀其書無誇多鬥靡之習無因陋就簡之類取舍精繁簡當

## 太康縣志

卷十一 縣志序略

七

體裁確謂之爲訂譌正謬酌古準今之善本其誰曰不宜又大令擢懷慶別駕又援條納費銓太守行將去矣其去思政績如創建義學廿一區修書院葺學宮諸事不可枚舉修志其一端也予爲誌之即以當甘棠之什也可是爲序賜進士出身誥授中憲大夫河南陳州府知府前刑部陝西司郎中詹事府右春坊庶子翰林院侍讀侍講司經局洗馬詹事府左春坊左中允左贊善右春坊右中允右贊善翰林院編修充日講起居注官國史館纂修實錄館纂修文淵閣校理詞林典故協修記名御史癸酉科湖南鄉試正考官丙子科河南鄉試正考官丁丑科教習庶吉士壬午科會試同考官加五級紀錄十二次北平瞿昂譔并書

### 道光戴修太康縣志序三

志之名始見於周禮春官邦國之志小史掌之四方之志外史掌之夫名爲志而掌則史是志實史之類書矣然史並書善惡志則善善從長雖天文地理人物無不備載而人事爲最要所以昭前光而勵後賢也故歷代以來無論大都

小邑莫不就一方之風土人情勒爲成書以信今而傳後况太康爲豫省名區其分星則亢與心房其形勝則長山尚水其人物自聖門子羔子禽而下則有黃霸彭宣諸大儒袁淑謝安諸世家韓沈顧郭張王諸望族忠臣孝子學術文章彪炳史書先後輝映一展卷而不勝高山景行之慕焉顧舊志羅列邑事雖罕所缺遺而自乾隆辛巳前任武公修葺後六七十年於茲矣其間英奇接踵閨閣流芳官箴士氣爭自濯磨者實繁有徒使不表而彰之則世遠年湮無以見先哲之懿修何以爲後人之則效乎陞任梧軒戴君江右名進士也宰是邑八年以循良吏具著作才計事量工百廢具舉獨於邑志而肯聽其殘缺哉爰捐廉爲倡並集邑紳捐貲成美延舊令高晴谷先生總其成明經江澄園先生秉厥筆更有邦人士以共爲勩贊且於案牘之餘朝夕親詣釐訂必期於完善而後已開局於丁亥十月及戊子八月而工竣戴君已擢懷慶別駕將之任予調尹茲土下車伊始而志適幾於成戴君屬余爲序余與戴君壬午秋闈同場校士政事文章欽佩有素今受是編讀之志體也而雅具史裁既喜斯邑之名

## 太康縣志

卷十一 縣志序略

八

勝得循吏之著述而愈光又喜戴君得諸君子之扶助而能相與以通觀厥成也是爲序道光八年太康縣知縣韓因培撰

### 道光戴修太康縣志序四

予以癸酉夏調署太康日與士民相見予視邑之人如子弟邑之人視予如父母也呈請保留於上憲者數次不果行及回延津任邑人相送臥轍攀轅多半泣下月未幾周聞予因公罣誤邑人咨嗟歎息無少長皆然予何功何德能使人繾綣若此抑亦與邦人士有前緣耶越道光辛巳戴阿閣先生調任是邑與予同里又姻親也邑人思予不置浼戴君出聘延予掌典賢書院日出教夕聚讀以修志爲念戴君往來京師卒無須臾之暇故遷延至今明年戴君莅通判行且陞知府去以此願未償與邑紳定議適故里江澄園來遊因共商酌以圖觀成昔江文通有言作史莫難於志具三長者猶難言之况才力萬萬不及者乎然一邑之典章人物距前修已六七十年釋此不修問遺事於故老罕有存者其潛德不致湮沒無傳者幾何哉予非敢言作也日與邑士討論其中惟是



舊志可仍者仍之文藝蕪穢者芟潤之鄉賢名宦洸漏失次者補輯而釐定之  
數十年之純孝節義徧採而登記之事錄其實不尙乎華文取其潔不騁乎博  
將以成一邑之完乘兼以答戴君見委之盛心謹序前署太康縣知縣高崧撰

# 太康縣志

卷十二 縣志尾略

民國廿二年新修太康縣志職名

監修

光緒癸卯恩科舉人分發知事調署太康縣知事

杜鴻賓 直隸交河

光緒庚子辛丑併科舉人簡任職調署太康縣知事

梁有庚 浙江杭州

簡任職升用調署太康縣知事

尙德 山西虞山

薦任職代理太康縣縣長

阮藩儕 湖北黃陂

江西高等專門農業學校畢業署理太康縣縣長

周鎮西 江西永新字松圃

主纂

清華研究院畢業清華大學教授

劉盼遂

分纂

光緒庚辛併科舉人宣統庚戌會考一等陝西即用知縣

朱撰卿

優廩生

李鴻山

編輯

太康縣志

卷十二 新修職員

優廩生

王銘鈞

拔貢

耿振翼

拔貢

周鼎

歲貢

李湛銓

歲貢

李樹德

生員

軒轅敦厚

附生江西高等農業專門學校畢業

賀夢周 江西永新

附生

蕭鑫振 江西永新

河南高等學校畢業文獻委員會委員

張金鑄

河南省立第一師範學校畢業本縣中學教員

王鴻年

鑒訂

光緒丙戌翰林甘肅候補道提學使

王新楨

總校

河南大學教授 張森禎

館長

太康縣長 周鎮西

優廩生 李鶴山

增廩生 王燦然

甲種蠶業學校畢業生 鄭藻德

參校 郭芝塘

附生法學士日本中央大學校畢業前上蔡縣縣長 劉亘

生員 鄭滌德

自治研究所畢業 李鶴林

附生河南優級師範學校畢業 趙成修

縣黨部常務委員河南黨義訓練班畢業 圭錫禎

### 太康縣志

卷十一 新修職員

一一

教育局長河南省立第二師範畢業 柳福增

校閱

優廩生 劉寅恭

縣立初級中學校長河南大學畢業 韋傳鼎

保衛團總副團長同濟大學附中畢業 尹樹模

縣黨部監察委員縣立師範講習所畢業 程俊苞

生員 朱修文

增廩生 郭進成

第一區區長河南育才館畢業 王錫讓

建設局長河南建設局長訓練班畢業 劉鴻謨

探訪

師範畢業張家駟 生員李有成

自治研究所畢業萬逢泰 甲礦校畢業王峻然

歲貢王者綱

歲貢李方義

生員朱晉卿

生員李均榮

生員張連登

生員楊承郇

甲蠶校畢業程慎勤

師範畢業張清正

生員高廷徵

生員袁挺蕉

生員劉嵐

薰廩生劉寅恭

生員賈連三

生員張馨舫

曹慶雲

生員張元鼎

生員郭傳鼎

高等學校畢業劉心超

廩生王玉璘

生員張際唐

生員于化

歲貢石錫慶

生員王掄秀

生員李永貞

自治畢業王承基

生員楊崑玉

### 太康縣志

卷十一 新修職員

一一一

生員王績臣

生員王卓立

劉占鰲

歲貢朱錫瑾

生員姬鳳魁

生員孟聘三

生員郭孝恪

師範畢業李德一

高小畢業李春標

商校畢業李全真

廩生李樹蘭

生員許克儉

巡警教練畢業孟珍

法政畢業張卓品

高等警校畢業石清雋

自治研究所畢業張芝蘭

師範畢業張瑞峰

廩生葉暹泰

生員許凌雲

高小畢業郭傳溥

大學預科畢業楊本正

生員王特立

生員傅起巖

生員姜登科

生員郭進城

生員趙登峰

生員李召棠

師範畢業郭照普

中學畢業軒轅軫

生員張應峰

生員耿心敬

生員劉慶雲

生員姜文明

師範畢業劉清昶

生員苑森川

廩生王作賓

生員谷慶雲

趙際溫

中學畢業王作舟

生員趙乾元

自治研究所畢業王恩緒

生員朱昶熙

生員劉雪峰

生員王萬壽

生員宋超凡

生員賀霖卿

師範畢業劉雲漢

王省齋

師範畢業徐進禮

增生魯宗邦

監生劉麟徵

師範畢業劉振亞

太康縣志

卷十一 新修職員

一一一

自治研究所畢業霍仲巖

生員王尙勛

生員程元英

生員劉中峰

生員王化南

武從龍

生員王子卓

法政畢業李新盤

法政畢業程孟巡

生員李鶴山

生員王琴堂

監生鄭武燮

監生王鶴汀

生員張照勛

自治畢業吳之濬

法政畢業周作梅

生員傅建中

監刊

第二區長河南省區長訓練所畢業

張廷祉

法政專門學校畢業

孔繁凱

校對

第三區長河南省自治訓練所區長班畢業

張剛德

第四區長河南省區長訓練所畢業

王玉美

第五區長河南省區長訓練所畢業

魏克廣

第六區長河南省自治訓練所區長班畢業

張森

第七區長河南省自治訓練所區長班畢業

萬俊

第八區長河南省區長訓練所畢業

張愷

民衆教育館長河南省立第四中學畢業

楊效讓

繪圖

水利工程委員會河工專員省立第一師範畢業

王佩明

水利工程委員會河工專員河南省立第四中學畢業

孫朗宇

水利工程委員會河工專員河南大學附中畢業

王克恂

水利工程委員會河工專員縣立自治訓練班畢業

王昌奇

事務員

太康縣志

卷十一 新修職員

一四

自治訓練所畢業

王覺生

省立第四中學校畢業

嚴文煥

縣立師範講習所畢業

柳紹周

